

政和五禮新儀

欽和玉體新儀

政和御製冠禮
十卷政和五禮
新儀二百廿卷

四庫全書珍本初集

史部

政書

類部

商務印書館受教育
部中央圖書館籌備
處委託景印故宮博
物院所藏文淵閣本

總校官庶吉士臣何思鈞

校對官主簿臣汪日贊

膳錄監生臣張紹鼎

欽定四庫全書

政和五禮新儀

提要

臣等謹案政和五禮新儀二百二十卷宋徽宗時議禮局官知樞密院鄭居中等撰前有徽宗御製序題政和新元三月一日蓋政和改元之年錢曾讀書敏求記悞以新元為心元遂以為不知何解謬也次列局官隨時酌

議科條及逐事御筆指揮商榷損益如凡例
然次列御製冠禮蓋當時頒此十卷為格式
故以冠諸篇首次為目錄六卷次為序例二
十四卷禮之綱也次為吉禮一百一十一卷
次為賓禮二十一卷次為軍禮八卷次為嘉
禮四十二卷升婚儀于冠儀前徽宗所定也
次為凶禮十四卷惟官民之制特詳焉是書
頗為朱子所不取自中興禮書既出遂格不

行故流傳絕少今本第七十四卷第八十八卷至九十卷第一百八卷至一百十二卷第一百二十八卷至一百三十七卷第二百零卷皆已佚第七十五卷九十一卷九十二卷亦佚其半然北宋一代典章如開寶禮太常因革禮禮閣新儀今俱不傳惟是書僅存亦攷掌故所必資也乾隆四十四年三月恭校上

總纂官

臣紀昀

臣陸錫熊

臣孫士毅

政和五禮新儀原序

禮緣人情而為之節文先王稽其典常制其等差辨其儀物秩其名位所以正人倫定尊卑別貴賤也故有君道焉有父道焉有子道焉夫唱而婦隨兄友而弟恭莫不有叙人倫正也上不可以逼下下不得以僭上大不可以凌小小不可以加大無得而踰尊卑定也朝廷邦國鄉黨遂序有典有則有倫有節有條而不紊貴賤別也天下有萬不同之情先王同之于一堂之上薄海內

外雖愚夫愚婦莫敢以私智側言改度易制者以分定故也夫人倫正尊卑定貴賤別則分守明分守明則人志一人志一而好作亂者未之有也下不好亂上無僭差而天下不治者亦未之有也先王以是成教化移風俗其和至于廣樂其大至于與天地同節深所慕之朕獲承至尊洪惟祖考燕翼之謀垂休錫美功成治定歷考前世承平之久莫如今日然承五季禮廢樂壞大亂之後先王之澤竭士弊于俗學人溺于末習忘君臣之

分廢父子之親失夫婦之道絕兄弟之好至以衆暴寡
以智欺愚以勇威怯以強陵弱庶人服侯服墻壁被文
繡公卿與阜隸同制倡優下賤得為后飾昏冠喪祭宮
室器用家殊俗異人自為制無復綱紀幾年於茲未之
能革昔在神考憲道立政若稽往古作新斯人以追三
代之隆謂安上治民別嫌明微釋回增美莫善于禮親
降策問下詢承學造庭之士將因今之材而起之也命
官討論郊祀之儀服章之飾是正訛舛大勲未集仰惟

先志明發不寐繼而承之罔敢忽怠乃詔有司張官設局講求比次以書來上朕乙夜省閱考驗先王制禮之文親加筆削復命有司循古之意而勿泥于古適今之宜而勿牽于今乃作吉禮以祀以祭以享乃作凶禮以哀以弔以禴以恤乃作賓禮以朝以會以覲以問乃作軍禮以用衆恤衆簡衆任衆合衆乃作嘉禮以親宗族親男女親賓客親異國籩豆尊罍冕弁旂常車輿圭璧羔鴈幣筐有不可施於今則用之有時示不廢古有不

可用于時則唯法其義示不違今又為之多寡之數高下之等長短之度疏數之限將自躬而達之天下自朝廷而達于庶民使士安于分無見利忘義之心人知所守無犯令陵政之悖四方以無拂而天下如一家爭訟之端庶幾永息廉耻之道庶幾乎興而刑其措歟傳曰商因于夏禮所損益可知也周因于商禮所損益可知也其或繼周百世可知也今天下去周千有餘歲道之不明未有疏于此時也世染汚俗冒上無等未有甚于

此時也朕因今之俗倣古之政以道損益而用之推而行之由乎百世之後奮乎百世之上等百世之王若合符契其歸一揆所謂百世而繼周者也雖其法其制未頒天下朕將禮刑並用俟之以慶賞刑威適觀厥成焉萬機之暇書其意記其制作之因以兼明天下後世政和新元三月一日序

總校官庶吉士

臣

何思鈞

校對官主簿

臣

汪日贊

謄錄監生

臣

張紹鼎

欽定四庫全書

政和五禮新儀卷首

尚書省牒議禮局

知樞密院事鄭居中等劄子奏竊以禮有五經而威儀至于三千事為節文物有防範本數末度刑名比詳遭秦變古書缺簡脫遠則開元所紀多襲隋餘近則開寶之傳間存唐舊在昔神考躋時極治新美憲章是正郊廟緝熙先猷實在今日恭惟陛下德脩明聖觀時會通考古驗今公情稱事斷自

聖學付之有司因革綱要既為禮書纖悉科條又載儀注勒成一代之典跨越三王之隆臣等脩員參訂徒更歲月悉稟訓指靡所建明謹編成政和五禮新儀并序例總二百二十卷目錄六卷共二百二十六冊辨疑正誤推本六經朝著官稱一遵近制上之御府仰塵乙覽恭候宸筆裁定其當以治神人以裨上下從事新書其自今始若夫蒐補闕遺講明稀闊告成功而示德意則臣等顧雖匪材猶當時順聖志而成之取進止牒奉勅宜頒降牒至准勅故牒政和三年四月二